

冰揭罗天童子经 1 卷

No. 1263

冰揭罗天童子经

特进试鸿胪卿大兴善寺三藏沙门大广智不空奉 诏译

若有行者持此明者。或能乞食或专吃乳粥或能自食。当于像前持诵满三十万遍。然后作火法。取玉柔作一千八片。一诵一掷火中烧。每日三时满四十日。证云云所求皆遂。

又取玉柔和安悉香作丸。从黑月八日起首终十四日。日别三时时别诵一千八遍。以前丸掷火中。其童子或昼或夜。必来现身而为伴侣满一切愿。任意使令无不谐克。

又法取安悉香作丸。于七日中每日三时。时别一千八遍。一诵一掷一丸火中。必获邑主无事不果。

其行者欲行此法时。先应诵七十万遍。

造像法。其像用白檀香木。长六指作童子形状。左手把藁右手垂作满愿掌向外。置道场中。作种种饮食乳粥香花供养。取赤色花。每花一诵一掷童子身上。满十万遍其童子必来现身。即得满一切愿。日施千人上妙衣食无所匮乏。

又法每日三时。时别取苏合香作一千八丸。于火中满七日已。其童子现身指授伏藏。若能日日受持获大利益示其宝藏。及修罗窟穴亦然。指授必满其愿得大财宝。

若人被拘繫时。当诵此明即得解脱。

又法欲令一切人见即欢喜。称彼人名诵满十万遍即皆欢喜。

又法取无忧木。于高山顶上烧之。和安悉香作一千八丸掷火中。即得安稳成就欲令见即见寿命千岁。

陀罗尼真言曰。

oṃ ṭi vi ṭi ni svā hā

唵 [打-丁+致] 苾(部必反) [打-丁+致] 儻 娑嚩 诃

又一本云。

oṃ ṭi ja ṭi ni svā hā

唵 [打-丁+致] 惹 [打-丁+致] 儻 娑嚩 诃

其根本契者。二手虚心合掌。若召请时以禅智三度来去。若发遣时外拨三度。

请火天明契 真言曰。

oṃ a gna ye a ga a ga svā hā

唵 阿 祁那 曳 阿 藁 阿藁 莎 诃

发遣明曰。

a gna ye ga ccha ga ccha svā hā

阿 祁那 曳 藁 车 藁车 莎 诃

其契相者。右手屈大指于掌中。头指屈如钩。以柱大指背当下节。余并舒之。召请时但以头指三招。若发遣时外拨三度即是。

护身契明曰。

oṃ kro dha na hūṃ jaḥ

唵 俱噜 驮 曩 [合\*牛] 惹

其契者以右手作拳。竖大指触身五处即未然护。

## 冰揭罗天童子经

保延三年七月二十三日于仲川之写了一校了  
承安四年(甲午)十二月二十日以三本交合传受玄证本也

---

【经文信息】大正藏第 21 册 No. 1263 冰揭罗天童子经

【版本记录】CBETA 电子佛典 Rev. 1.9 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】

---